

KJKP "VODOVOD I KANALIZACIJA" d.o.o. SARAJEVO
DIREKTOR

Izvod broj: KZ 51/19

Sarajevo, 28.04. 2019.godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 51/19 od 20.05.2019. godine, u postupku javne nabavke br. KZ 51/19 za pružanje usluge " **Ispitivanje i opravka glave motora**" donosi se :

O D L U K A

o poništenju postupka javne nabavke

Član 1.

Poništava se postupak javne nabavke broj KZ 51/19 za nabavku usluge: "Ispitivanje i opravka glave motora", iz razloga što nijedna od primljenih ponuda nije prihvatljiva, a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 51/19 od 25.04.2019.godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosi : 10.000,00 KM.

Obavještenje o nabavci broj: 247-7-2-59-3-142/19 poslato je na objavljivanje na Portal javnih nabavki dana 29.04.2019.godine.

Komisija za javnu nabavku, imenovana je Rješenjem br. 21-01-01/19 od 21.01.2019.godine i Odlukom o izmjeni Rješenja o imenovanju Komisije za javne nabavke br.02-04/19 od 02.04.2019.god., i dopunskim Rješenjem članova komisije br. KZ 51/19-1 od 20.05.2019. godine.

Komisija za javnu nabavku dostavila je dana 23.05.2019.g. Preporuku o poništenju postupka javne nabavke usluge: "Ispitivanje i opravka glave motora" – tender broj KZ 51/19

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 1 (jedna) ponuda – "Temax" d.o.o. Sarajevo
- Da je blagovremeno zaprimljena : 1 (jedna) ponuda – "Temax" d.o.o. Sarajevo

Navedeni ponuđač je preuzeo tendersku dokumentaciju sa Portala javnih nabavki i samim tim ostvario pravo učešća u postupku.

Dostavljanje zapisnika sa otvaranja ponuda izvršeno je prema ponuđaču u zakonskom roku.

Nakon izvršenog otvaranja ponuda Komisija je dana: 16.05.2019.godine pristupila pregledu i ocjeni pristigle ponude u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljena ponuda ponuđača „Temax“ d.o.o Sarajevo ispunjava zahtjevane tenderske uslove prema obliku i potpunosti u smislu pripreme ponude.

Pregledom ponude koja je zadovoljila uslov u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće :

RB	Zahtjevana kvalifikaciona dokumentacija	„Temax“ d.o.o Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	Da
2.	Tačka 14.3 TD: pod a) Original ili ovjerena fotokopija Aktuelnog izvoda iz sudskog registra ovjerena od strane nadležnog organa – Sud, Opština ili notar (ili Rješenja o registraciji) ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	Dostavljen „Aktuelni izvod iz sudskog registra“ koji je starije od tri mjeseca od dana izdavanja a računajući od dana predaje ponude

Komisija konstatuje da je ponuđač „Temax“ d.o.o. Sarajevo u svrhu dokazivanja da ispunjava postavljeni tenderski uslov iz tačke 14.3 tenderske dokumentacije „Sposobnost obavljanja profesionalne sposobnosti“ dostavio ovjerenu kopiju „Aktuelnog izvoda iz sudskog registra“ broj 065-0-Reg-16-003494 sa datumom izdavanja 29.09.2016.godine. Obzirom da je datum izdavanja dostavljenog dokumenta 29.09.2016. godine a datum predaje ponude 16.05.2019. godine, te je konstatovano je da je dostavljeno Rješenje starije od tri mjeseca od dana izdavanja, a računajući od dana predaje ponude, a što nije u skladu sa postavljenim tenderskim uslovom koji se tiče starosti zahtijevanog dokumenta.

Ponuđač „Temax“ d.o.o. Sarajevo nije postupio u skladu sa postavljenim tenderskim uslovom iz tačke 14.3 tenderske dokumentacije, kojim je izričito zahtijevano da je ponuđač u svrhu dokazivanja sposobnosti obavljanja profesionalne djelatnosti dužan dostaviti : *Original ili ovjerenu fotokopiju Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim*

registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.

Obzirom na naprijed navedeno, komisija konstatuje da ponuđač „Temax“ d.o.o. Sarajevo nije dokazao ispunjenost postavljenih kvalifikacionih uslova u formi i na način kako je to zahtjevano tenderskom dokumentacijom odnosno nisu ispunili zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa članom 68. stav (4) pod i) Zakona o javnim nabavkama.

Polazeći od gore navedene konstatacije i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, te daje preporuku Ugovornom organu – ovlaštenom licu ugovornog organa da za predmetnu nabavku usluge: „**Ispitivanje i opravka glave motora**“ - tender broj KZ 51/19 donese odluku o poništenju postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:
-Ponuđač
-a/a



Direktor

Azra Muzur

Azra Muzur, dipl.inž.grad.